

p. 88 line 5【無緣慈】戒度《觀無量壽經義疏正觀記》卷3：「實不起心緣他眾生。而諸眾生與我慈體。無二無別。任運相關。故云無心攀緣。自然現益。如涅槃經。凡說八事。一伏醉象。二降力士。三化盧至。四度女人。五塗割瘡。六摩調達。七救羣賊。八醫釋女。一一結云。慈善根力見如是事。」(X22, p. 410, b22-24)「經云。波羅柰城有優婆夷。名摩訶斯那達多。夏九十日。請僧施藥。有一比丘身嬰重病。良醫診之。當須肉藥。是優婆夷尋自取刀。割其股肉。切以為羹。施病比丘服已。病差。女人瘡苦。發聲稱佛。我在舍衛。聞其音聲。於是女人起大悲心。是女尋見我持良藥。塗其瘡上。還復如本。」(X22, p. 410 c3-8)《大般涅槃經》卷16〈8梵行品〉：「我於爾時。實不往至波羅柰城。持藥塗是優婆夷瘡。善男子。當知皆是慈善根力。令彼女人見如是事。」(T12, p. 458, b9-12)

p. 88 line 6【無生忍】又作『無生法忍』。《佛說大乘無量壽莊嚴清淨平等覺經》〈菩提道場第十五〉：「若有眾生，觀菩提樹。聞聲，嗅香，嘗其果味，觸其光影，念樹功德，皆得六根清徹，無諸惱患。住不退轉，至成佛道。復由見彼樹故，獲三種忍：一音響忍。二柔順忍。三者無生法忍。」《觀經》上品上生→一往生聞法即悟無生法忍；上中品→1小劫；上下品→3小劫；下上品→10小劫。（以初地是無生忍。）

p. 88 line 8【唯觀白毫】《佛說觀佛三昧海經》卷2〈3觀相品〉：「佛告父王：如來有無量相好。一一相中。八萬四千諸小相好。如是相好。不及白毫少分功德。是故今日。為於來世諸惡眾生。說白毫相大慧光明消惡觀法。…如是種種百千億種。觀諸光明微妙境界。不可悉說。念白毫時。自然當生。」(T15, p. 655, b25-c4)又《佛說觀佛三昧海經》卷9〈9觀像品〉：「作是觀（像觀）者。除却六十億劫生死之罪。亦名見佛。於未來世心想利故。值遇賢劫千佛世尊。為其和上。於佛法中次第出家。一一佛所。見佛身相。了了分明。聞佛說法。憶持不忘。於星宿劫光明佛所。現前受記。麁心觀像尚得如是無量功德。況復繫念觀佛眉間白毫相光。」(T15, p. 691, b21-27)

p. 88 line -6【見彌陀即見十方佛】如《文殊師利所說摩訶般若波羅蜜經》

卷 2：「善男子、善女人，欲入一行三昧，應處空閑，捨諸亂意，不取相貌，繫心一佛，專稱名字。隨佛方所，端身正向，能於一佛念念相續，即是念中，能見過去、未來、現在諸佛。何以故？念一佛功德無量無邊，亦與無量諸佛功德無二，不思議佛法等無分別，皆乘一如，成最正覺，悉具無量功德、無量辯才。如是入一行三昧者，盡知恒沙諸佛、法界，無差別相。」(T08, p. 731, b1-9) 戒度《觀無量壽經義疏正觀記》卷 3：「一佛多佛中。一多相即。體無二故。」(X22, p. 411, a15-16)

p. 88 line -5【徧觀一切色身相】元照《觀無量壽佛經義疏》卷 3：「自昔科為真法身觀。今準下結云。是為徧觀一切色身相。名第九觀。必應指彼彌陀果佛色相即法身耳。」(T37, p. 296, b27-29)「一切之言。或總指所見諸佛或別在彌陀諸相。」(T37, p. 297, b23-24)

p. 88 line -4【震響隨機】《觀經定善義傳通記》卷第三：「今經雖無說法之文。而準大經加釋之也。謂大經云。梵聲猶雷震。八音暢妙響也。」

p. 90 line 5【菩薩身量】《佛說觀無量壽佛經》卷 1：「此菩薩身長八十億那由他恒河沙由旬」(T12, p. 343, c12-13) {++(萬)【宋】【元】【明】【流布本】。〔恒河沙〕-【宋】【元】【明】【敦】【流布本】}《觀無量壽佛經疏妙宗鈔》卷 4：「應云十八萬億。今云八十者。翻過佛身二十萬億。故知誤也。」(X22, p. 319, b14-15)《觀經定善義傳通記》卷第三：「源清云。菩薩身量可云八萬億等。應除十字。或可除八字。」

《觀經定善義傳通記》卷第三：「問：師徒身量何不相應？答：佛及菩薩身量大小俱無定準。故二處文各說一邊。故靈芝云。佛身不可定故。」元照《觀無量壽經義疏》卷 1：「佛身無量。機見有殊。文中所舉。假以數量顯非數量。欲彰佛身不可定故。即下文云。如前所說無量壽佛身量無邊。非是凡夫心力所及。又云。或現大身滿虛空中。舉此證前。知無限量。蠡盃酌海。丈尺量空。是可得乎。喻可見也。」(T37, p. 296, c9-14)

p. 90 line 6【化佛】《觀經定善義傳通記》卷第三：「靈芝云：如釋迦者

丈六身也。或彼光中化佛身相如今日釋迦身相。非必同丈六。問：因位光中何現果佛？答：大菩薩化儀皆以如此。例如普賢光中亦有化佛菩薩。即此類也。此乃證真如位。分備佛果功德故也。」

p.90 line 7【身光普現五道眾生】《觀經定善義傳通記》卷第三：「靈芝云。五道眾生合修羅。故菩薩垂形五道。救苦眾生。故於光中現其色相。正觀記云。次身光垂形五道者。請觀音云。遊戲於五道是也。良由菩薩性具十界。運同體悲。行四攝法。自然關感。故現光中。」《往生禮讚偈》卷1：「南無至心歸命禮西方阿彌陀佛。觀音菩薩大慈悲，已得菩提捨不證；一切五道內身中，六時觀察三輪應；應現身光紫金色，相好威儀轉無極；恒舒百億光王手，普攝有緣歸本國。願共諸眾生，往生安樂國。」(T47, p. 446, b11-16)續法《觀無量壽經直指疏》卷2：「今於光中現者。令知五道非他。唯自一身心造。弗以大悲光照。不能離苦得樂也。」(X22, p. 439, a15-17)弘贊《觀音慈林集》卷1：「五道眾生色相既現於菩薩光中。故一稱名即應也。」(X88, p. 81, c7)

p.90 line 8【立化佛】《觀經定善義傳通記》卷第三：「龍樹禮云。阿彌陀佛。般舟讚云。天冠化佛高千里。念報慈恩常頂戴。又天台云。冠中立化佛者。帶果而行因也。知禮云。帶果行因者。觀音三昧經云。觀音昔已成佛。號正法明。今為菩薩修淨土行。斯乃帶昔果德。行今因行。頂有化佛表帶果也（靈芝、戒度同之）。」善導《依觀經等明般舟三昧行道往生讚》卷1：「一切時中緣法界(願往生)，攝取六道現身中(無量樂)。現見耳聞心內事(願往生)，尋聲救苦剎那間(無量樂)。天冠化佛高千里(願往生)，念報慈恩常頂戴(無量樂)。」(T47, p. 453, c2-5)迦才《淨土論》卷2：「禪那囉多三藏。別譯龍樹讚禮阿彌陀佛文。有十二禮。至心歸命。禮西方阿彌陀佛。…觀音頂戴冠中住，種種妙相寶莊嚴；能伏外道魔憍慢，故我頂禮彌陀佛。」(T47, p. 96, b29-c12)

p.90 line -6【面色身色不同】《觀經定善義傳通記》卷第三：「問：身色不及佛。面色何齊佛。答：聖境應機各有同異。非凡所測。且推道理。因果

位別。故身色異。所證真理與佛無異。故面色同。」

p. 90 line -5【更比紅蓮之色】《佛說觀無量壽佛經》卷1：「臂如紅蓮花色」(T12, p. 343, c23) {臂=譬【敦】【流布本】} 《觀經定善義傳通記》卷第三：「法聰、知禮、靈芝、戒度。同用臂本。今家、淨影。同依譬本。若依譬本。此取盛貌。譬化侍多。謂化侍者巍巍遍空。如紅蓮色赫赫滿池。若依臂本。靈芝云。觀臂又三。初臂色。二光為瓔珞。三瓔珞變現諸莊嚴事。」

p. 91 line 6【總結】經文：「真實色身相」；彌陀佛：「徧觀一切色身相」；勢至：「色身相」。菩薩「色身相」意同佛之「一切色身相」，即真法身。知禮《妙宗鈔》云：「行者觀於冠、髻、毫、面、身、色光明。一一須用心作心是。而為能觀。說在像前。用在此處。既云作佛是佛。豈不能作觀音是觀音邪。作髻、作冠。是髻、是冠。皆可為例。…以此妙觀為見佛本。迥出餘因。至彼土時。速證法忍。」(T37, p. 227, a15-24)

p. 91 line 5+7【生其後益、使沾兩益】元照《觀無量壽佛經義疏》卷3：「不遇諸禍。除現難也。除無數劫罪。破往業也。聞名獲福。如普門品廣說。」(T37, p. 298, a17-19) 《觀經定善義傳通記》卷第三：「上段所明滅罪、生善。此名兩益。謂不遇諸禍。淨除業障。除無數罪。為滅罪益。獲無量福。為生善益。或現當名兩益。謂不遇諸禍。淨除業障。是名現益。除無數罪。獲無量福。是為當益。或無量福通互現當。」《普門品》：免七難（火、水、羅刹、王、鬼、枷鎖、怨賊）、離三毒、應二求。《楞嚴經觀音耳根圓通章》：卅二應、十四無畏、四不思議無作妙德。